



**KOMISIONI QENDROR I ZGJEDHJEVE**  
**KOMISIONERI SHTETËROR I ZGJEDHJEVE**

|          |  |
|----------|--|
| Data     |  |
| Nr. Prot |  |

**RELACION**

**PËR**

**PROJEKTVENDIMIN**

**PËR**

**MIRATIMIN E ELEMENTEVE DHE PËRMBAJTJES SË ZARFEVE TË SIGURISË QË DO TË PËRDOREN NË ZGJEDHJE**

**I. VLERËSIMI I LIGJSHMËRISË DHE HARMONIZIMI ME LEGJISLACIONIN NË FUQI**

Neni 19, pikat 1, shkronja “n” dhe 2, neni 99, pika 1 shkronja shkronja “d”, “dh”, “e”, neni 118, pika 5, neni 119, pika 3 dhe neni 120, pika 5, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, kanë parashikuar kompetencën e Komisionerit Shtetëror të Zgjedhjeve për miratimin e modeleve të zarfeve të sigurisë, që do të përdoren në zgjedhjet për organet e qeverisjes vendore të datës 14 maj 2023.

**II. PËRMBLEDHJE SHPJEGUESE E PËRMBAJTJES SË PROJEKTVENDIMIT**

Referuar nenit 99, pika 1, shkronjat “d”, “dh” dhe “e”, nenit 118, pika 5, nenit 119, pika 3, dhe nenit 120, pika 5, të ligjit nr. 10019, datë 29.12.2008 “Kodi Zgjedhor i Republikës së Shqipërisë”, i ndryshuar, parashikon si pjesë të procedurave, përdorimin e zarfeve specifike për administrimin e fletëve të votimit gjatë vlerësimit dhe numërimit të tyre nga grupet e numërimit, si dhe mbylljen në zarf të veçantë të procesverbalit të mbylljes së kutisë së votimit para fillimit të procesit të votimit. Gjithashtu Kodi Zgjedhor i Republikës Shqipërisë, në nenin 120, pika 5, parashikon dhe zarfe sigurie për administrimin e fletëve të votimit të hedhura gabim, të ndara sipas llojit të organit për të cilin janë hedhur.

Komisioni Qendror i Zgjedhjeve, për të pajisur komisionet përkatëse me zarfat e sigurisë, sipas nenit 99, pika 1, shkronjat “d”, “dh” dhe “e” dhe procedurave të përcaktuara në nenin 118, pika 5, nenin 119, pika 3, dhe nenin 120, pika 5, të ligjit nr. 10019, datë 29.12.2008 “Kodi Zgjedhor i Republikës së Shqipërisë”, duhet të miratojë modelin e çdo zarfi sigurie, si dhe të marrë masa për prodhimin dhe dërgimin e tyre për çdo qendër votimi.

Në zbatim të përcaktimeve të Kodit Zgjedhor të Republikës së Shqipërisë, Komisioni Qendror i Zgjedhjeve, për të unifikuar praktikën zgjedhore, ka përgatitur modelet e zarfeve të sigurisë, përmbajtja dhe specifikimet e të cilave janë bazuar në nenet e sipërcituara dhe në eksperiencën e proceseve zgjedhore të deritanishme.



Në projektvendim është përcaktuar se Sekretari i Përgjithshëm dhe administrata e KQZ-së do të hartojnë specifikimet teknike/design-in, të cilat do të publikohen dhe shpallen për çdo proces zgjedhor. Kjo qasje e re do të lehtësonte procesin e prokurimit dhe prodhimit të tyre në vijimësi.

Për sa më sipër në këtë relacion, Komisionerit Shtetëror të Zgjedhjeve, brenda kompetencave të veta dhe në respektim të detyrimeve e afateve ligjore të përcaktuara në ligjin nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, i paraqitet për shqyrtim dhe miratim projektvendimi “Për miratimin e elementeve dhe përmbajtjes së zarfeve të sigurisë që do të përdoren në zgjedhje”.

|                         |   |
|-------------------------|---|
| <b>Erion META</b>       | Drejtorja e Komisioneve dhe Materialeve Zgjedhore                           |
| <b>Majlinda ÇELMETA</b> | Drejtorja e Përgjithshme e Administrimit të Zgjedhjeve                      |
| <b>Aurel LAMÇE</b>      | Drejtorja e Përgjithshme Rregullatore, Ekonomike dhe Shërbimeve Mbështetëse |
| <b>Ylli MERKAJ</b>      | Sekretar i Përgjithshëm   |





**REPUBLIKA E SHQIPËRISË**  
**KOMISIONI QENDROR I ZGJEDHJEVE**

**Komisioneri Shtetëror i Zgjedhjeve**

Data: .....01.2023

Nr: .....

Ora: .....

**PROJEKTVENDIM**

**PËR**

**MIRATIMIN E ELEMENTEVE DHE PËRMBAJTJES SË ZARFEVE TË SIGURISË QË DO TË PËRDOREN NË**  
**ZGJEDHJE**

Në mbështetje të nenit 19, pika 1, shkronja “n” dhe 2, nenit 99, pika 1 shkronjat “d”, “dh”, “e”, nenit 118, pika 5, nenit 119, pika 3, dhe neni 120, pika 5, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, Komisioneri Shtetëror i Zgjedhjeve

**V E N D O S I :**

1. Zarfet e sigurisë që përdoren nga Komisionet e Zonave të Administrimit Zgjedhor (KZAZ) dhe grupet e numërimit duhet të përmbajnë elementet e mëposhtëm:
  - a) Logon (emblemën) më të fundit me ngjyrë të Komisionit Qendror të Zgjedhjeve (KQZ),
  - b) Llojin e zgjedhjeve,
  - c) Datën e zgjedhjeve,
  - d) Numrin e KZAZ-së dhe hapësirën përkatëse për plotësimin e tij,
  - e) Zonën Zgjedhore (për zgjedhjet në Kuvend Qarku/ për zgjedhjet vendore Bashkia) dhe hapësirën përkatëse për plotësimin e tij,
  - f) Emërtimin e qëllimit të përdorimit të zarfit si vijon:
    - i. Për zgjedhjet vendore:
      1. Zarfi i fletëve të votimit të pavlefshme për kandidatët për kryetar bashkie,
      2. Zarfi i fletëve të votimit të pavlefshme për kandidatët për këshillin e bashkisë,
      3. Zarfi i fletëve të votimit të kontestuara për kandidatët për kryetar bashkie,
      4. Zarfi i fletëve të votimit të kontestuara për kandidatët për këshillin e bashkisë,

Data: ... 12 2023 Nr: .....  
Ora: ....



**Për miratimin e elementeve dhe përmbajtjes së zarfeve të sigurisë që do të përdoren në zgjedhje.**

5. Zarfi I fletëve të votimit të vlefshme për këshillin e bashkisë për subjektin zgjedhor,
  6. Zarfi I fletëve të votimit të vlefshme për kandidatin për kryetar bashkie,
  7. Zarfi i votave për këshillin e bashkisë të hedhura gabim në kutinë e kryetarit,
  8. Zarfi i votave për kryetarin të hedhura gabim në kutinë e këshillit të bashkisë.
- ii. Për zgjedhjet për kuvend:
1. Zarfi i fletëve të votimit të pavlefshme,
  2. Zarfi i fletëve të votimit të kontestuara për kandidatët,
  3. Zarfi i fletëve të votimit të kontestuara për subjektet zgjedhore,
  4. Zarfi i fletëve të votimit të vlefshme për subjektin zgjedhor,
  5. Zarfi i fletëve të votimit të vlefshme për kandidatin për deputet.
- g) Hapësirën për nënshkrimin (emër mbiemër firme) të Sekretarit,
- h) Hapësirën për nënshkrimin (emër mbiemër firme) të Numëruesit të parë.
2. Zarfet e sigurisë që përdoren nga Komisioni i Qendrës së Votimit (KQV) duhet të përmbajnë elementet e mëposhtëm:
- a) Logon (emblemën) më të fundit me ngjyrë të KQZ-së,
  - b) Llojin e zgjedhjeve,
  - c) Datën e zgjedhjeve,
  - d) Numrin e KZAZ-së,
  - e) Numrin e QV-së,
  - f) Emërtimin e qëllimit të përdorimit të zarfit, si vijon:
    - i. Zarfi i fletëve të votimit të dëmtuara,
    - ii. Zarfi i fletëve të votimit të papërdorura,
    - iii. Zarfi i procesverbalit të vulosjes së kutisë/ kutive të votimit,
  - g) Hapësirën për nënshkrimin (emër mbiemër firme) të Kryetarit të Qendrës së Votimit,
  - h) Hapësirën për nënshkrimin (emër mbiemër firme) të Sekretarit të QV-së.
3. Zarfet e sigurisë duhet të kenë ngjyra të ndryshme sipas qëllimit për të cilin përdoren dhe të mbajnë kodin përkatës në shifra dhe në barcode.
4. Përcaktimi i sasive, dizenjimit, specifikimeve teknike të materialeve, si dhe i kriterëve e specifikimeve teknike të tjera veçmas atyre që përmban ky vendim bëhet në përputhje me parashikimet e legjislacionit përkatës në fushën e prokurimeve publike.
5. Ngarkohet Sekretari i Përgjithshëm të bëjë kodifikimin e materialeve dhe për çdo proces zgjedhor dhe të miratojë dhe publikojë modelet specifike për përdorim të standardizuar nga administrata zgjedhore.

6. Ky vendim hyn në fuqi menjëherë dhe publikohet në faqen elektronike zyrtare të Komisionit Qendror të Zgjedhjeve.
7. Kundër këtij vendimi mund të bëhet ankim në Komisionin e Ankimeve dhe Sanksioneve brenda 3 (tre) ditëve nga shpallja e tij.

**Komisioneri Shtetëror i Zgjedhjeve**

Kopje: 3  
Afati i ruajtjes: 3 vjet

**Ilirjan CELIBASHI**

E.Ceco \_\_\_\_\_  
E.Meta \_\_\_\_\_  
M.Çelmeta \_\_\_\_\_  
Y.Merkaj \_\_\_\_\_

Data: .. 12 2023 Nr: .....  
Ora: .....



**Për miratimin e elementeve dhe  
përmbajtjes të zarfeve të sigurisë që do të  
përdoren në zgjedhje**